

〔續日本紀聖武〕天平勝寶元年閏五月癸丑詔捨大安藥師元興興福東大五寺各絕五百疋綿一千屯布一千端稻一十萬束墾田地一百町法隆寺絕四百疋綿一千屯布八百端稻一十萬束墾田地一百町崇福香山藥師建興法花四寺各絕二百疋布四百端綿一千屯稻一十萬束墾田地一百町因發御願曰以花嚴經爲本一切大乘小乘經律論抄疏章等必爲轉讀講說悉令盡竟遠限日月窮未來際今故以茲資物敬捨諸寺所冀太上天皇武○聖沙彌勝滿諸佛擁護法藥董質萬病消除壽命延長一切所願皆使滿足令法久住拔濟群生天下太平兆民快樂法界有情共成佛道

〔古京遺文〕勝寶感神聖武皇帝銅版詔書

菩薩戒弟子皇帝沙彌勝滿稽首十方三世諸佛法僧去天平十三年歲次辛巳春二月十四日朕發願稱廣爲蒼生遍求景福天下諸國各合脫○合下敬造金光明四天王護國之僧寺并寫金光明最勝王經十部住僧廿人施封五十戶水田十町又於其寺造七重塔一區別寫金字金光明最勝王經一部安置塔中又造法華滅罪之尼寺并寫妙法蓮華經十部住尼十人水田十町所冀聖法之盛與天地而水流擁護之恩被幽明而恒滿天地神祇共相和順恒將福慶永護國家開闢已降先帝尊靈長幸珠林同遊寶刹又願太上天皇太皇太后藤原氏皇太子已下親王及大臣等同資此福俱到彼岸藤原氏先後太政大臣及皇后先妣從一位橘氏大夫人之靈識恒奉先帝而陪遊淨土長願後代而常衛聖朝乃至自古已來至於今日身爲大臣竭忠奉國者及見在子孫俱因此福各繼前範堅字○字君臣之禮長紹父祖之名廣給群生通該庶品同辭愛網共出塵籠者今以天平勝寶五年正月十五日莊嚴已畢仍置塔中伏願前日之志悉皆成就若有後代聖主賢卿承成此願乾坤致福愚君拙臣改替此願神明効訓右銅版詔書藏在東大寺二月十四日續紀天平十九年十一月己卯詔所云亦同然於十三年紀則係之三月廿四日未知何謂也是詔在讓位後數年而言皇帝又謂既崩元正天皇爲太上天皇謂太皇太后宮子爲皇太后謂今上寶字稱德孝謙皇帝爲皇太子謂皇太后光明子爲皇后者皆是天平